

Oqaasiliortut Ataatsimiinnerat
Tallimangornermi novembarip 26-anni 2010, nal. 10.00
Ilimmarfimmi Oqaasileriffiup ataatsimiittarfiani.

Peqataasut: Carl Chr. Olsen, Stephen Heilmann, aamma Abia Abelsen
Peqquteqarlutik peqataannngitsut: Eva Møller Thomassen, Ellen J.Karlsen.

Allatsimut taartaagallartoq: Nuka Møller

Oqaluuserisassatut siunnersuutit:

1. *Tikilluaqqusineq* – siulittaasoq tikilluaqqusivoq.
2. *Imaqarniliat* - Kingullermik ataatsimiinnermit imaqarniliap akuerineqarnera - Ataasiakkaannguit siulittaasup naqqiissutitut allatsimut nassiutereernikuusai ilanngunneqareersut ilanngullugit akuerineqarpoq.
3. *Ilisimatitsissutit* - Siulittaasup ilisimatitsissutigaa decembarip aallaqqaatani Nordisk Sprogrådimi ekspergruppemut ataatsimiigiassalluni. Annerusumik sammineqassapput qinnuteqaateqartunut aningaasanik agguaassineq. Novembarip 30-anni Nordisk Sprogkoordinationsmødeqartunut peqataassaaq . Tassani siorna kulturministeriap agguagassiissutai pillugit Savalimmiuni ataatsimiittoqarmat aningaasaliisutut ilaasortaqaartitsinissani piunasaqaatigisimavaa. Pia Lyngé KIIIN-imeersoq Nunarput sinnerlugu ilaasortaavoq. Piunasaqaateqarnerup kingorna kikkut Qallunaat Naalagaaffiat sinnerlugu ilaasortaassanersoq paatsuungassutigineqalermat CCO tamanna pillugu apeqquteqaateqassamaarluni unnerpoq.
4. Perlemor – kalaallisut. Josef Tuusi Motzfedlt apeqquteqarsimavoq perlemor kalaallisut qanoq taaguuteqarnerseq. Ordbogini misissuereernerup kingorna Oqaasiliortut aalajangerput ima taaguuteqalissasoq: ***Uillup qillaalanera.***
5. *Kosttilskud* – kalaallisut. Nerisassanut tapiunngimmata Oqaasiliortut aalajangerput ima taaguuteqalissasut: ***Nerisanut akut.***
6. *Forskningsprojekt* – kalaallisut. Kingullermi ataatsimiinnermi Oqaasiliortut aalajangerput ima kalaallisut taaneqartassasoq ***Ilisimatusaatigalugu*** suliaq. Saaffiginnittup kingorna qisuariaateqarnera tunngavigalugu Oqaasiliortut isumaqarput tamanna aalajangiusimaneqaannassasoq, taamaattoq projekt eqqarsaatigalugu ima immikkoortitsisoqassasoq:

Aallartinneqarsimannikkuni: **Suliniut**

Aallartinneqarsimaguni: **Suliaq**

7. *Stabsdirektør – kalaallisut.* Ataatsimiinnermi kingullermi aalajangikkamut saaffiginnittoq qisuariaateqarpoq, taamaattoq Oqaasiliortut aalajangerput **Pisortaqarfimmiut qullersaat** aaljangiusimaneqaannassasoq.
8. *Lydbog aamma e-bog – kalaallisut.* Inerisaavimmiut lydbogimut taaguut “atuagaq immiussa” paatsuungassutigalugu nutaamik siunnersuuteqarlutik saaffiginnippat. Oqaasiliortut aalajangerput lydbog ima kalaallisut taaguuteqassasoq: **atuagaq naalaagassiaq**. Taamatuttaaq Oqaasiliortut aalajangerput e-bog ima kalaallisut taaguuteqassasoq: **Atuagaq qarasaasiarmiu.**
9. *Retshandel – kalaallisut.* Naalagaaffiup Sinnisoqarfianit nutserisut ningiuat saaffiginnippoq juridisk ordbogimi oqaaseq retshandel Nalunaarutini kalaallisut taaguutaa ‘neriorsueqatigiinnerit inatsisitigut pisussaaffiliisut’ pisortatigoortumik atortuulersikkusukkaluarlugu. Oqaasiliortut aalajangerput oqaaseq retshandel pillugu ima taaguuteqalissasoq: **Eqqartuussivikkut aalajangiineq.**
10. *Eriagaa aamma asanninneq.* - Lotte Holm saaffiginnippoq oqaatsit taakku marluk sumit aallaaveqarnerisut paaserusullugit. Isumaqarnerarpoq oqaatsit *erligaa aamma eriagaa* Tunumiusut immikkoortinneqarsinnaanngitsut ataatsimulli kattullugit taaneqartartut *iaavaa*. CCO-p akissusiornermini isumaqarpoq immikkoorpata pissusissamisoornerussasoq. Taannalu Oqaasiliortunit tangeqartinneqarpoq. Oqaaseq *asanninneq* pillugu Michael Fortescuep Tidsskriftet Grønland nr. 4, 2001-imeersumi allaatigisamini *Kærlighedens gåde*-mi ilaatigut nagguissiuilluni isumaliutersuutai innersuussutigineqarmata saaffiginnittup naammagisimaarlugit nalunaaruteqarpoq Oqaasiliortullu tamanna tusaatissatut tiguaat. Kalaallisut nagguut asa(vaa)- aamma asattuu(ppaa) imminnut qanittut saniatigut assa(ppaa)miki nagguillit naggueqataasinnaanerat eqqarsarnartoqarpoq, allaatigisaq soqutiginarpoq taanna taamaattumik taamaasinnasorisanik ilaqartoq malugineqarpoq.
11. *Allat.* Oqaaseq *Mavedans* pillugu saaffiginnissutaasimasumi Oqaasiliortut marsi qaammat oqaasersiatut atuinneqarsinnaasoq aalajangersimaneranik innersuussuteqartoq Oqaasiliortut tusaatissatut tiguaat. Taamaattoq Vaigatimi nipilersortartut nuna Hawai’i pillugu taalliaanni oqaaseq atornerqartoq SH-p tulliani ataatsimiinnissamut misissuiffigissallugu neriorsuivoq. AA ilisimatitsivoq ordbogit arlallit Jens Erlandsen suleqatigalugu elektroniskinnortussanngorlugit pdf filinngortussanngorlugillu piareersarneqalersimasut Oqaasileriffiup Ilinniusiorfiullu suleqatigiinneratigut. Taakkunani siunertarineqarmat OQAATSIT

naqqeqikkallariarlugu pissuseqatingajaa siunissami ordbogiliassanut
aaqqissuinikkut tunngavissaq aallaqqaatigineqassammat,
taannaassallunilu allattarnermi tunngavissanik nalunaarsisussa, Kalaallit
oqaasii aallaavigalugit ilusilersugaq. Taanna aallaqqaammut meeqqat
atuarfiannit anisut piginnaasassaannut naapertuuttutut suliarineqariarluni
kingorna annertusarneqarlunilu oqaatsinut allanut
nuulertorneqarsinnaasussaliarineqassaaq.

Tulliani ataatsimiinnissaq pissaaq ukiortaap kingorna.

Inussiarnersumik inuulluaqqusilluta
Carl Chr. Olsen
Siulittaasoq

Nuka Møller
Allatsimut taartaagallartoq